

NO TA FALTA MUCHO PA E "DUNKY RIDE" CUMINSA RESONA RIBA RADIO..

Foto y Texto:Poets

DEN AMBIENTE



**** Johnny y Reinaldo realizando nan grabacion..**

****** No ta falta mucho pa e cancion nobo di Claudius Philips & O.R.E.O. cual ta e "Dunky Ride" cuminsa resona riba nos radio emisoranan. Hopi ta esnan cu ta pendiente pa scucha e "Dunky Ride" resona riba nos radio emisoranan. E "Dunky Ride" aki ya caba a cuminsa haya su atencion durante e "Happy Our di Claudius & O.R.E.O. di tur diadomingo den City One. Actualmente Claudius y su integrantenan ta realizando nan grabacion den tanto Aruba Recording Studio como Cristal Sound Factory. E grabacion aki ta pa e produccion pa aña 1998 di cual e "Dunky Ride" lo bay ta nan hit promocional pa e temporada di Carnaval 44, mientras cu e CD mes lo ta riba mercado na casi final di e Carnaval.



**** Claudius Philips grabando e "Dunky Ride"..**

ENERGIE BRASSBAND MAS MIHOR CU NUNCA DEN CARNAVAL 44..



**** Integrentenan di Energie Brassband preparando pa nan grabacion den Aruba Recording Studio..**

****** ENERGIE BRASSBAND cu pa e ultimo añanan aki a bin ta aportando engrande musicalmente na nos carnaval, a declara na DEN AMBIENTE cu e aña aki nan ta bin mas mihor cu nunca durante Carnaval 44. Ya caba por a sinti djis un krentje durante nan dos prome presentacionnan cualnan tabata durante e happening di "Sta. Cruz Dream Team" y e fakkel optocht. Durante e

dos presentacionnan aki, Energie Brassband su cheerleadernan a causa un impacto total cu nan magnifico show. Actualmente integrentenan di Energie Brassband ta realizando nan grabacion den Aruba Recording Studio. Ta trata aki di un tema pa e temporada di carnaval cu ta un potpourri consisti di cancionnan existente manera e.o.; "Hardselff, Contempo Drama, Spion, Bobbolist, E baile de Tiki Taki" etc. Pa parada grandi nan lo ta animando pa e grupo di Marinier Kazerne y pa e parada di mucha pa e grupo di Piedra Plat. Pa esnan cu ta interesa pa un presentacion pa cualkier celebracion por tuma contacto cu Olie "Bol" Dirks na tel: 858635 of cerca Gerardo "Bashaca" Janga na

EDWINA WERLEMAN AWOR TAMBE ROADMANAGER DI D2U 365 BRASSBAND..

****** E super activo dama farandulero EDWINA WERLEMAN, kende pa ya cuater aña caba ta manehando Claudius & O.R.E.O. den un forma super exitoso, awor tambe ta formando parti di e incomparable brassband D2U 365 como nan roadmanager. Un Edwina Werleman sumamente orguyoso di ta formando parti di e famia uni di D2U 365, a declara na DEN AMBIENTE cu pa su persona esaki ta mas cu un honor. E trabao lo ta dobbel, pero trahando cu hendenan profesional manera esnan di D2U y O.R.E.O., esaki ta dune mas animo pa sigui eherce su trabao y trata pa engrandece e dos gruponan aki. Un di su ponencianan ta cu D2U 365 ta consisti di talentonan cu merece nan VALOR y e lo lucha pa nan haya nan merecido valor. Mas aleu e incansable manager a sigui expresa cu e ta considera D2U 365 como un SUPER ALL STAR BRASSBAND cu ya caba a demostra esaki den exterior. Na final Edwina Werleman kier a gradici henter pueblo carnavalesco pa e tremendo sosten y apoyo cu nan ta brindando na D2U 365 y pa Aruba keda pendiente, pasobra un biaha mas e aña aki mes, D2U 365 lo bay causa furor riba tereno INTERNACIONAL...



**** Aki por aprecia Edwina Werleman flanquea pa e alto ehecutivonan di D2U 365, Ufo, Bobby, Alfredo, Pili y fenomenal trombonista Steve Gibbs..**